



UNIVERSITÄTS-
BIBLIOTHEK
PADERBORN

Universitätsbibliothek Paderborn

Militarivm Ordinvm Origines, Statvta, Symbola, Et Insignia, Iconibus, additis genuinis

Mennens, Frans

Maceratae, 1623

Ordo Eqvitvm Stellæ in regno Galliæ.

urn:nbn:de:hbz:466:1-10718

erant, nobili Nodo, auro, argentoq; intexto ad pectos strictè vincito insigniti fuere, eademq; tessera, quæ tunc temporis in vsu erat, amicti cum quadam etiam Iusurandi forma. Sicq; institutus fuit insignis Equitum Nodi ordo. Et hæc præter citatos Auctores legi in quodam opusculo cui Titulus est ORDINES, ET SOCIETATES militares Regni, Auctore quodam Nicolao Anello Pacca Neapolitano. Aliquorum nominæ ex illis Equitibus, qui tunc tanto honore habiti sunt digni, nè posteritas ignoret, liceat hic ex eodem Pacca subintexere. *Ludovicus Rex Institutor, Robertus Tarenti Princeps eius frater primogenitus, Barnabas Vicecomes mediolani princeps, Thomas Sansseuerinus Comes Marsci, & sancti Seuerini Regni magnus Comestabulus Robertus Ursinus Comes Nola Regni magnus Lusitanius, Goffredus Maritanus Comes Squilacij Regni magnus Admiratus, Erricus Caraccolus Comes Hiracij Regni magnus Camerarius, Nicolaus Acciaiolus Regni magnus Senescallus, Honoratus Gaetanus Comes Fudorum Ioannes Sanframundus Comes Cerreti, Guglielmus Baucius Comes Noyæ, Raimundus Baucius Comes Solexi Loysus Sansseuerinus Gualterius Caraccolus Viola, Philippus Carraccolus Viola, Franciscus de Loffredo, Robertus Siripannos, Guglielmus de Tocco, Iacobus Caraccolus, Ioannes de Burgentia, Bartholomeus Caraccolus Carrasa, Ligorius Caraccolus Carrasa Ioannellus Caraccolus Carrasa Ioannellus Bucxus, Mattheus Buccaplanula, & Christophorus de Constantio.*

O R D O E Q V I T V M
Stellæ in regno Gallie.

Ioannes Valefius Gallorū Rex prælio Pictaviensi, sua & regni calamitate notissimus, Epiphaniæ seu Stellæ Equitum Sodalitium Anno 1352. mente Octobri auspiciatus est, Sodalesque dicti fuere D. Virginis de nobili domo D. Audoeni. Ita enim voca-

Nicolaus Vigner. 10. 3. bibl. hist. p. 524.

batur castrum illud, quod plus minus duobus millibus abest ab vrbe Parisiensi, palatij Clichiani nomine olim appellatum, vbi sedes primaria ordinis constituta, ædesque sacræ Equitibus cum omnibus publicatis bonis, & sporulis futuris attributæ. Proceribus ordini initiatis signū stellæ collari aureo, (quali Ioannes Aurelianus primus Comes Dunensis, filius Ludouici Ducis, Caroli VI. fratris in palatio Longo vallorum Principum insignitus conspicitur) appensum, seu togæ caputio locoue conspicabiliori præferre est datum, addito symbolo *Monstrant Regibus astra viam.* Vnde tam honorificam stellæ celebritatem credibile est ortam fuisse, à commemoratione diuini illius syderis, non fabulosi illius Tyndaridum, sed noui illius, & vt Theologi volunt, recens cum Christo nato ad cunas eius illustrandas creati, quod Magos ab Oriente præuij Ducis instar, in partus locum nati filij Dei perduxit. At multitudine gregariorum, qui falsis titulis irrepsérant, cum vilescere paulatim hic ordo cœpisset, & Carolus Ioannis filius palatij custodibus signum, illud deferendum tradidisset. (Ita ferè res humanæ à præclaro initio degenerare consueuerunt) in eius locum D. Michaelis ordo, quod Gallia peculiari tutela genium illum custodem imperij sui agnoscat, suffectus est. Stellæ porrò insignia vti ea Equites deferre solent, nec non vasis Liliorum, Canis, Galli, Draconis præcipitati, Coronæ Spicæ, Hystricis, Leonis alati (qui Veneto-rum Equitum tessera est) in capite libri exprimenda curauimus.

Insignia et Symbolum Equitum Stella. Cl. Paradisus in Symbolis heroicis.

Bodin. in Rep. cap. 4. Onuphrius Panuinius

Insignia Equitū Lilij Canis, Galli Draconis, Spicæ, Hystricis & Venetorum.

O R D O